



**KUVENDI I KOMUNËS**  
**KOMITETI PËR POLITIKË DHE FINANCA**  
01. NR. 06-4696/17  
**KLINË, 11.8.2017**

**EKSTRAKT I PROCESVERBALIT**  
**I SEANCËS SË VIII-të TË KPF-së, MBAJTUR MË 11.8.2017, NË ORËN 10.00,**  
**NË SALLËN E KK**

Në seancë prezantuan: Kryesuesi i KPF-së, Dr. Haxhi Ibishi, anëtarët e KPF-së, OJQ “Koha”, etj.

Seancën e udhëhoqi, kryesuesi i KPF-së, Dr. Haxhi Ibishi, i cili fillimisht i përshëndeti të pranishmit dhe iu dëshiroi mirëseardhje në këtë seancë të KPF-së.

“Materialin bashkë me rendin e ditës e keni marrë me kohë. Hapi debatin rreth rendit të ditës”, tha Kryesuesi.

Nuk pati debate rreth rendit të propozuar të ditës.

Kryesuesi vuri në miratim rendin e ditës.

**Me vota unanime u miratua ky**

**RENDI I DITËS**

1. Arsyetimi i mungesave,
2. Shqyrtimi paraprak i buxhetit dhe të projekteve të Komunës për vitin 2018,
3. Shqyrtimi i propozimit për vendosjen e panos të anëtarëve të Kuvendit të Komunës në sallën e KK,

#### 4. Të ndryshme.

##### **Pika e parë: Arsyetimi i mungesave.**

Kryesuesi sqaroi se në seancë mungon Pal Berisha.

##### **Pika e dytë: Shqyrtimi paraprak i buxhetit dhe të projekteve të Komunës për vitin 2018.**

Kryesuesi foli rreth çështjes në rend të ditës. Hapi debatin rreth shqyrtimit paraprak të buxhetit dhe të projekteve të Komunës për vitin 2018.

Nuk patri debate.

Kryesuesi vuri në miratim rekomandimin për seancën e radhës në KK.

##### **Me vota unanime u miratua rekomandimi.**

##### **Pika e tretë: Shqyrtimi i propozimit për vendosjen e panos të anëtarëve të Kuvendit të Komunës në sallën e KK.**

Haxhi Ibishi, foli rreth çështjes në shqyrtim, përkatësisht rreth vendosjes së një pano me anëtarë të Kuvendit, që nga legjislatura e parë e pasluftës. Kryesuesi sqaroi edhe formën se si do të dukej ajo pano me prezantimin e gjithë kryesuesve dhe anëtarëve të KK që nga legjislatura e parë e deri te kjo e fundit.

Ndue Shabanaj, foli rreth çështjes tematike. Profesor Shabanaj tha se le të shkojë çdo legjislaturë me emra dhe mbiemra të kryesuesve dhe anëtarëve të KK.

Ramush Agushi, tha se e përkrahi, edhe e fuqizoj këtë ide. “Është mirë që të duhet se kush ka qenë anëtarë i KK në legjislaturat e deritanishme të KK-së. Emrat e kryesuesve, përkatësisht fotografitë e kryesuesve le të figurojnë”, shtoi anëtari Agushi.

Fadil Gashi, foli rreth çështjes tematike. “Nuk është e nevojshme që të sigurohen fotografitë. Le të jetë unike”, shtoi anëtari Gashi.

**Haxhi Ibishi**, foli rreth çështjes në shqyrtim. “Sigurimi i fotografive të të gjithë anëtarëve nga legjislatura e parë është tepër e vështirë për t’u siguruar, le të shkojë me sigurimin e emrave dhe mbiemrave, ndërkaq në legjislaturën e ardhshme të shikojmë për sigurimin e fotografive”, shtoi kryesuesi.

**Hali Desku**, tha se duhet të marrim vendim që në legjislaturën e ardhshme të sigurohen edhe fotografitë. “Pra, në legjislaturën e ardhshme në pano të figurojnë fotografitë e anëtarëve, pasi që mund të sigurohen shumë lehtë”, pohoi profesor Desku.

Kryesuesi vuri në miratim rekomandimin.

**Me vota unanime u rekomandua propozimi për seancën e radhës të KK-së.**

**Të ndryshme.**

Kryesuesi theksoi se kam menduar që KK të ndajë mirënjohje për të gjithë anëtarët e Kuvendit të Komunës.


**Fadil Gashi**, theksoi se nuk do të tingëllojë mirë që për vete të ndajmë mirënjohje.

Kryesuesi falënderoi të pranishmit për kontributin e dhënë.

Seancën e konstatoi të mbyllur.

Seanca përfundoi në orën 10:30 minuta.

Procesmbajtësi,  
Mikel GOJANI



Kryesuesi i KPF-së  
Dr. Haxhi IBISHI

